

Obra nobo na Papiamento di poëta Belen Kock-Marchena

ORANJESTAD - autor local, Belen Kock-Marchena, ta bautizá su promé coleccion di poesía titulá 'Vibrashon di Amor.' Esaki ta un obra cu ta contené 24 poesía di Belen Kock-Marchena y 18 ilustracion di e conocido pintor Nigel Matthew.

NYDIA ECURY FOR DI CORSOW

Specialmente pa bautizo dje obra aki ta bini for di Corsow e artista Arubiano cu pa hopi aña ta biba aya, Nydia Ecury.

Nydia Ecury ta yaya di e obra 'Vibrashon di Amor,' cu ta un berdadero joya pa literatura Papiamento.

Poeta Arubiano, Filomena Wong ta madrina di e buki nobo y e lo duna un homenahe na Belen.

Bautizo di 'Vibrashon di Amor' lo bai compaña di tremendo presentacion cultural y actonan simbólico cu tin di haber cu nos cultura.

E bautizo ta Diadomingo awor den Roseland, Alhambra.

Radio Mi FM 107.5 lo transmití e lanzamiento di e promé coleccion di poesía di Belen Kock-Marchena, esta 'Vibrashon di Amor,' cu ta un obra cu sigur ta haci lite-ratura di nos idioma mas rico. □